

اعتصام

اعتصام خادم اولور دنگزه، شرع مینه * اعتصام ایتیملی بز بویله کونول جبل مینه
« ادیب عینتانی »

۱۷ جادی الاخری	{ منافع عامیه خادم مجموعه اسلامیه در }	۲۰ مارت
سنه ۱۲۳۷		سنه ۱۳۲۵

« قادیسلک » حیات اجتماعی سنه ایندیریلن ضربه لر احمد شیرانی

مباحث کلامیه عبدالرحمن

اولاد عمزک اخلاق عبداالکریم

رسم و صورت حقنده سؤال و استیضاح ناجی

یقینلان تخمناز — مشوم مصافحه طیار رحمی

تشکیلات خیریه ا. نوری

فیثاتی (۵) غر وشدرد

محل اداره : فاتح — اعتصام

۱۲۳۸

حسبى قائم اولدى .. قاديئله امنيت واعتماد قالمادى ! .. قاديئلك عفت ، جمال
وزيئلك تربيه ديمك اولديئنى بيلئلر ، بوكون قطعياً تأهل وازدواجه حسبسارت
ايدمه ميورلر كه حریت نسوانك بوكي سوء نشأئى ، قاديئلك حیات اجتماعیه سینه
اينديرلمش الكمدهش والكمهالك برضريه اولديئنى كى مملكئت نفوس وانسال مستقبليه سینه
ده حرب زائلدن دهازياده تناقص ايراث ايدمه جكدرا .. نتيجه هر نه اولورسه اولورسه
هوسات نفسانيه لرینه اوينون كلديكى جهتله قاديئجى بکلر بوندن ممنوندرلر ! ..
فقط خاملرک :

ايواه بو بازيچه ده بزلرینه ياندق زيراكه زيان اورته ده بيلمم نه قازاندق
ديه جلك زمانلرى كلدى وكچيور ...!

احمد شیرانی



مباحث كلاميه

(بيغاده ابوالاکرم افنديئک مسئله اعتقاديده دن سؤلنه جوابدر)

عزيزم منظور ومعلوم عاليکمز اولديئنى اوزره عمر نسفى ، عقائد متنبده (وهى
کله بارادته ومشيئه وحکمه وقضيه وتقديره) ديه رک افعال عبادک مجموعى ، کرک
کفر ، کرک ايمان ، کرک طاعت وکرک عصيان ؛ يعنى عباددن هر نه صادر اولورسه
جناب الالهک اراده سيله وقدرتيله حصوله کله جکنى بيان ايديوزکه بو اهل سنت
وجماعت مذهبيدر . علامه نفتازانى ده مذکور قولک شرچنده : (والمقصود تعميم
ارادة الله تعالى وقدرته) قوليله مسئله مذکورمک نهدن عبارت اولديئنى ميدانه
چيقارييور . بو عبارتمک آژ آشاغينده : (والمتمزلة انکروا ارادة الله تعالى لاشروور
والقباح حتى قالوا انه اراد من الکافر وانفاسق ايمانه وطاعته لاکفره ومعصيته)
قوليله تعميم اراده مسئله سنده اهل سنت وجماعته مخالفت ايدن معتزله مذهبى بيان
ايدييور . موافقه ده قاضى عضد ؛ اصل مسئله ي شو طر زاوزريته ذکر وبیان ايدييور :

الله تعالیٰ حضرت تلمیذ جمیع کائناتی مرید در . اصلاً وجوده کلمه به جک شینک وجود دینی
مرید دکلدر . قاضی مومی الیه بوراده : هربری آری ، آری اثباته محتاج اولان
ایکی قضیه بی ذکر و برنجی قضیه بی شویله اثبات ایدیور : (اما الله تعالیٰ مرید جمیع
السکائنات فلانه خالق الاشیاء کلها و خالق لشیء بلا اکره مریدله) . ایکنجی قضیه نکه
اثباتنده دینور که اصلاً موجود اولمه به حق شی یا تمتع لذاته در ، شریک الباری کی .
و یا خود خلافته علم الالهک تعلق ایتمدی ایچون تمتع لغیره در ، ابی لهبک ایمانی کی .
هیچ بر تمتع اراده الله ، قدره الله تعلق ایتمز . اوله ایسه اصلاً موجود اولمه به حق
شیده اراده الله ، قدره الله تعلق ایتمز . لیکن برنجی قضیه نکه اثباتی ایچون ذکر اولنان
دلیلک صغیرانه اعتراض اوله رق معتزله طرفندن دینور که جناب الله جمیع اشیانک
خالق اولورسه کافرک کفری ، فاسقک فسق اشیاده داخل اولدقلرندن آنلرکده
خالق اولمی لازمکلور . حالبوکه آنلرک خالق اولنجه کافر کفرنده ، فاسق فسقنده
مجبور اولور . بناء علیه آنلرک ایمان و طاعتله تکلیف اولنلری صحیح اولماز . ایشته
علامه تفنازانی شرح عقائده : (فان قيل فيكون الكافر مجبوراً في كفره والفاسق في
فسقه فلا يصح تسكليفهما بالايمان والطاعة) قوایله او اعتراضی بیان ایتمشدر . رمضان
افندی ده علامه نکه عبارده سنی (یعنی اذا قدر الله تعالى كفر الكافر و فسق الفاسق قبل
خلق الكافر و الفاسق و تعلق به علمه فيكون مجبوراً في كفره و كذا الفاسق) ایله
ایله تفسیر و ایضاح ایلمشدر که بونک خلاصه سی : علم ازلی ، اراده ازلیه ، قدرت ازلیه ،
کافرک کفرینه ، فاسقک فسقنه تعلق ایدیجه همه حال کافرده کفرک ، فاسقده فسقک
بولنسی واجب و آنلرده ایمان و طاعتک بولنسی تمتع اولور . بناء علیه کافرک کفرنده
فاسقک فسقنده مجبور اولور دیمکدر . علامه به معتزله نکه مذکور اعتراضنه جواباً
دینور که (قلنا ان الله اراده منهما الکفر و الفسق باختیارهما فلا جبر) بوجوابک تفصیل
و تحقیق شویله در : افعال عباد ایکی قسمدر . بر قسمی عبدک اختیاری توسط ایتمکمزین
آکا اراده لله تعلق ایدر یعنی عبدک اراده سی ایستر آکا تعلق اینسون ، ایستر تعلق
ایتمسون ، جناب لله عهده او فعلی خلق ایدر . تیرک انسانک بلا اختیار تیرمه سی
کی که بو طاقم افعاله ، افعال اضطراریه دینور . عهده بونده مجبوردر . دیگر قسمی

عبدك اختيار و اراده سنك توسطيله آكا ارادة الله تعالى ايدر . شو معنا ايله كه جناب الله عبيده برقدرة خلق ايدر كه آنكه عبد، فعل ايله تركه متمكن و مقتدر اولور . كذا عبيده فعلی ترك اوزره ويا تركی فعل اوزره ترجیح ایده جك صفت اراده یی خلق ايدر . وقتاكه عبد اراده سیله فعلی ترك اوزره ويا تركی فعل اوزره ترجیح ايدر ، قدرتی ده اراده سنك ترجیح ایلدیكى طرفه تعالى ايدر . و او طرفه آلات و دواعی صرف ايدر . آنك عقیبنده جناب اللهك اراده سی و قدرتی او طرفك خلقنه تعالى ایدرك مذکور طرف وجود بولور . كافرك كفری ، فاسقك فسقی كبی كه بو طقم افعاله افعال اختیاریه دینور . عبد بونده مجبور دكلدر . فقط فعلك توقف ایلدیكى علمك ، اراده نك ، قدرتك تعلقلری حصول بولقدن صكره او فعلك وجود بولماسی غیر قابلدر . بوده اختیاره منافی دكلدر . چونكه اختیار ايله وجوده كن فعل ، اختیار ایدر ، اضطراری دكلدر .

بناء علیه رمضان افندیك جواب مذکور شرحنده (فتكون ارادته الازلیة تابعة للاختیار الحادث) قولنده کی تبعیتدن مراد ؛ تبعیت فی الوجود اولیوب بلکه تبعیت بحسب التعلق الحادث اولدینی شبهه سزدر . علامه قفزانی اراده ازلیه نك تعالى حادثی اعتباریله ؛ اختیار حادثه اولان تبعیتی ، علم ازلینك تعالى حادثی اعتباریله ، اختیار حادثه اولان تبعیتنه تشبیه ایدرك (كما انه علم الله تعالى منهما الكفر والفسق بالاختیار) قولی ذكر ایدیور . و بوندن ده تعالى اعتباریله ارادة اللهك علم الله تابع اولدینی و هر ایکسك تعالى حادثی اعتباریله عبدك اختیارینه تابع اولدقلری اکلایلور . و بوندن عبدك ایکنجی قسمدن اولان فعلنده مجبور اولماسی لازم کلیور ؛ بلکه او فعلك حصولنده عبدك اختیار و کسی ذی مدخل اولدیغندن عبدك مختار اولسی لازم کلیور . رمضان افندی (یعنی الارادة تابعة للعلم) قولیله ذکر ایدیكمز تبعیتی اکلایق ایستیور . بیان ایتدیكمز کی مذکور تبعیت ؛ عبدك مختار اولدینی مفیددر . مجبور اولدینی مفید دكلدر . رمضان افندیك (فیکل ما علم الله تعالى وقوعه فهو مراد الوقوع وکل ما علم الله تعالى عدمه فهو مراد العدم) قولنده کی « ما » دن مراد ؛ مقام قرینه سیله فعل عیددر . فعل عبد ایسه بیان ایتدیكمز وجه ازره ایکی قسمدر . مراد الوقوع اولان

فعل برنجی قسمدن اولورسه عبد آنده مجبور اولور. ایکنجی قسمدن اولورسه عبد آنده مجبور اولماز. افندم معتزلهک مذکور اعتراضنه جواباً دخی دینورکه اگر جناب الالهک علم واراده وقدرتک فعله نعلقندن طولانی اوفعلک فاعلی مجبور اولورسه جناب الالهک کندی سیده کندی افعالده مجبور اولمسی لازمه کلور. حالبوکه هرایی خصمک اتفاقيله الله تعالی حضر قلمی فاعل مختاردر، هیچ برفعانده مجبور دکلدور. مدرسه المتخصصین علم کلام مدرسلرندن

عبدالرحمن

اعتصام

حسب الوظیفه مشغولیتمزک کشتندن طولانی بوسؤاله جواب یازمه سنی، معلومات و تنبها کلامیه سنه اعتمادمن بولنان استاذ عبدالرحمن افندی حضر قلمندن رجایتمشدهک. علم کلامه حائد اوله رق وجوده کتیردیکی وهنوز طبعنه موفوق اوله مدینی قیمتلی اثريله حقیقه اوفنک متخصصی بولندیغنی کوسترن اوستاذ مشارالیه، فن مذکوره دائر صوريله جق دیگر سؤالزه دخی جواب یازه جغنی وعد بیورمشدر. ایجاب ایدرسه بوسؤاله بزده آریجه جواب ویریرز. مقصدمن ابوالاکرم افندیکنک شبهه و ترددی ازاله در. وذلك بتوفیق الله عزوجل.



اولادیمزک اخلاقی

بو کونک اک بیوک دردی، علمامزک، ادبامزک عموم متفکرینمزک برنجی مشغله سنی اولادیمزک اخلاقیدر. لسل آتینک اخلاقی تهذیب، مجرای دینی و طبعیه سنه سوق ایتمک ایچون نه یاعه لی. هانکی واسطه یه مراجعت ایتلی؟ ملنک تنویر اذهانی، ترفع سویه منی ایچون الله بولنان واسطه لر مکتبلریمزدر، او مکتبلریمزکه باشنده بولمدریریلان هیئت تعلیمیه سنک بر قسیمی اعتباريله ارشادندن